



01.Oktober.2017

UKA2017/97

Uunga siunnersuut: Inatsisartut Naatsorsueqqissaartarfik pillugu inatsisaanni inatsimmik allannguineq nr. xx, xx. xxx 2017-imeersoq

(Aningaasaqarnermut Akileraartarnermullu Naalakkersuisoq)

Naalakkersuisut sinnerlugit, Inatsisartut Naatsorsueqqissaartarfik pillugu inatsisaanni inatsimmik allannguineq siunnersuutaannut Partii Naleqqaamiit imatut oqaaseqassaagut.

Inuiaqatigiinni sorpassuarnut naleqqersornitsinni Naatsorsueqqissaartarfik pinngitsoor-sinnaajunnaarsimavarput, soorlu atuarfinni, iliniarfinni, politikkimik suliaqarnermi allarpas-suarnilu, taamaattumik Naatsorsueqqissaartarfiup piunnarnissaa aamma uagut pingartil-luinnarparput.

Naatsorsueqqissaartarfimmilu siulersuisunut ajunngitsorsiarititat aammalu siulersuisunut ilaasortat aningaasartuutaannut, iluarsissuteqarniarnerit tunngaviatigut taperserpagut.

Tassami takorloorsinnaagatsigu pisortatigoortumik kikkut tamarmik takusinnaasaannik suliaqartitaaneq qanoq piffissamik annertutigisumik atuiffiusarsinnaanera, aammalu annertuumik akisussaaffimmik nammatassiisoq.

Taamatut oqaaseqarluta siunnersuut ataatsimiititaliamut sussassaartumut aappasaaniinginnerani ingerlatinneqarnissaa innersuupparput.

Henrik Fleischer